

KiMakua - Noopo Malhove Matakatifu - Salvation Scriptures

Attu o UEfeso 2:2 Yeyo ikatema iyo mwaattwara iphiro cho uwonya cho velhaponi va nkamwanthimicha nholhelhi o ikuru notawara irimu, nshoka ninaatawara vano attu ahinomwiwelhelha Nlhuku.

NaMatayo 6:10 Imwene inyu iwe, Chinothanana inyu, chipangieke velhaponi va thoko wiirimu.

Luka 22:42 “Thithi, mwattunaka nthamiheke ilha ikikombe ilha. Nansho kuhiwe thoko chinothanana aka nansho mattunelho inyu, atimirihije.”

NaYohana 16:7-9 Kinouhimeriani ikekheni wiira, ihorera nambaya miyaano kirwee, ukhalhawaya kaahirweeke, Okaviha uyo khanowa uwaninyu. Paahi etu, karwaakaru, kinonruma uwaninyu. 8 Ni uyo vanottuna awe uwa, nowoopusha attu o velhaponi wiira irusho chaya chihowonya, ahottekelha ikekha ni ihukumu ya Nlhuku. 9 Ahowonya wo nlhatu wo hikirumelhelha.

2 NaTimoteo 2:10 Paahi etu kinoovilhelha kila ittu wo nlhatu no attu athanliye a Nlhuku, wiira ni ayo ampatte noopo nopattiya wo iphiro ya Yesu Kuristo, inowiiha nthimicho wo uhimalha.

ARumi 15:20,21 Ittu kinothanana aka mahuku onkhaye urii uhimiacha Malhove Orera a Nlhuku ilhapo chonkhaye vahinahimiachiya nchina na Kuristo, kihewe kaatheka vachulhu nsingi wa ntu nkina. 21 Thoko Malhove Matakatifu chineera aya, “Attu onkhaye ahinahimeriya anoowa yoona, Ni attu onkhaye ahinapacha umwiiwa anoowa aachuwelha.”

Mitheko 2:36,37 “Attu onkhaye o inupa yo Israeli achuwelheke we ikekhiaye wiira uyo Yesu aakhomelhelhiye vansalaabani, phi uyo Nlhuku mpannge awe ukhalha Athithi ni Kuristo!” 37 Paahi etu, attu veewilhe aya yayo malhove ayo, nkayaahomiya mirima chinene, nkayaakoha Napeturo ni akarumiya akhunanaya alhe “Ashilhoko ihu, niireke chani etu?”

AEbraniya 4:2 Ukhalhawaya ni hii niheewa Malhove Orera thoko aahimeriye aya yayo manyaattu ayo. Nansho nlhove neewilhe aya nno khanaalhonke ittu, ukhalhawaya khayaapochenre nrima thoko attu yeewelhenlhe alhe.

NaYeremiya 24:7 - NaMatayo 22:37 Yesu nkaamwaakhulha, “ ‘Mwaattune Athithi Nlhuku inyu wo nrima inyu wonkhaye, ni wo nnepa inyu wonkhaye ni wo irusho chinyu chonkhaye.’

Mitheko 16:14 Amoka o manyopani yaaniwelhelha yaari eehaniya Naridiya,

opani anthimicha Nlhuku, anenchi o Uthiatira, aapanga ntheke wo uchurusha ikuwo cho nhakhu mwinchi. Athithi yahotukulha nrima aya nkayaapochera malhove yaahimiachiya ni Napaolo alhe.

NaMatayo 13:14-16 Nihotimira vano nlhove ni anamilhohi ashinna Isaya, ‘Wo ikekhiaye alha attu alha wiiwa anowiiwa, nansho khanochuwelha inohimiya, Uweha anoweha, nansho khanoona, 15 Ukhawaya irusho chaya chihophupuwalha, Ahotiyelha maaru aya, Ni utiyelhelha miitho aya. Ihikaari chiicho miitho aya yaanoona, Ni manyaru aya yaaneewa, Mirima chaya chanchuwelha, Ni ayo anokirukunuwelha mii, neera Nlhuku, Ni mii kaanalhamiha.’ 16 “Nansho nhoreeriya mwaatti! Ukhawaya miitho inyu anowoona ni maaru inyu anowiiwa.

Isaya 6:9,10 - Mitheko 28:27 Ukhawaya irusho chaya chihophupuwalha, Ahotiyelha maaru aya, ahohichilha miitho aya. Ama, yanoona wo miitho aya, yaaneewa wo maaru aya, Yanchuwelha wo irusho chaya, Ni ukirukunuwelha, Ni mii kinowaalhamiha.” Nlhuku phi neera awe.

NaMako 4:11,12 Yesu nkaakhulha, “Mwaatti nhovaheriya uchuwelha chittu chivithiye wi Imwene ya Nlhuku.” Nansho arii vathe alhe anoohimeriya yayo malhove ayo wo malhikaaniho, 12 Ikhale wiira, “Wo ikekhiaye anooweha nansho khanoona, Anowiiwelhelha, Nansho khaneewa. Ukhawaya eeraka chiicho, Anonrukunuwelha Nlhuku, Nkaahiyerera uwonya waya.”

NaYohana 12:39,40 Chiicho khayoonrie urumelhelha, ukhawaya ashinna Isaya yahoolhumacha tho wiira, 40 “Nlhuku hotiyelhelha miitho aya ahoone, hophupuwalhiha mirima chaya, ahoone wo miitho aya, ahichuwelhe wo irusho chaya, mena ahikirukunuwelhe, aneera Athithi, wiira kaalhamihe.”

ARumi 11:7,8 Vano chani etu? Attu o Israeli khapantte ittu yaavia aya, nansho attu aathanlhiye ni Nlhuku ahopatta. Attu akina ayo ahoomihiya mirima. 8 Thoko chilhepiye ni Malhove Matakatifu, “Nlhuku hoomiha nrima aya ni irusho chaya, Haavaha miitho nansho ahoonaka, Haavaha maaru nansho khaneewa mpaka nna.”

2 Attu o UThesalonike 2:10,11 ni waathepiacha wo iphiro chinchi ampotera ayo, wo nlhatu wo ukhota urumelhelha ni uhittuna ikekhenne wiira oopolhiye akhalhe o ulhoka. 11 Nlhuku heesha yayo wuuthi machiri o muupoterani, arumelhelhe wiira athepiachiye.

NaMatayo 13:18-23 “Paahi mwiiweke, ni wiittucha malhikaaniho o ntu o waalha imbeyu. 19 Attu ariyoothe aneewa nlhove no Imwene ya Nlhuku nansho ahichuwelhaka, ari thoko imbeyu chaamorenhe vaphironi.

Nakare nowa ni uthesha imbeyu chaalhiye munrimani mwaya. 20 Imbeyu chaamonre vanagagani chinokhalha thoko attu vaneewa aya nttenga anopochera uno ateelhiyaka munrimani. 21 Nansho nttenga khunolhokelha munrimani mwaya ukhalhawaya khachinkhalha ni mithithaari nhina mwaya. Uhuvihiya vanowa aya wo nlhatu no nttenga nno, anookhwa nrima wo uhipicha. 22 Imbeyu chaamonre vamiiwani chineemelhelha attu aneewa nttenga, nansho nipampa naacharakana ni nikakata no velhaponi nivaravaraka nttenga uyo, ni ayo khaneemma maphepu. 23 Ni imbeyu chaalhiye vachaayirani chinene chineemelhelha attu aneewa nttenga ni uchuwelha chihimiye, khwimmaka rata maphepu, mmoka imia, nkina makhumi sita ni nkina makhumi mararu.”

2 AKorintho 3:15,16 Ata Ihelho nna vanoshomiya aya Malhehero aavahiye aya ashinna Musa, mirima chaya chinokhalha chinatiyelhelhiye ni ikitambaa iyo. 16 Nansho ikatema ntu vanaahokolhelha awe Athithi Yesu, itiyelhelho iyo inoothamahiya.

NaHosea 11:3-7 - NaMatayo 11:28-30 Mmweeke uwannyaka mwaattiva onkhaye, nnohuva ni ulhemelhiya misigo va, ni mii kinowiittuwihani. 29 Mwiittukeke nikonkwa naka, nkusheke irusho uwannyaka, ukhalhawaya mii kiri ntu o maalha ni wiitimarikha munrimani, ni inyu nnova mwaapatta nipuro no wiittuwa. 30 Ukhalhawaya nikonkwa ninouvahakani mii niri no wolhwaa, ni nsigo kinouvahaakani khulhemenlhe uri pheruu.”

Mitheko 26:18 wiira mwaapatakulhe irusho chaya, akhume mwiipiphini akelhe unthukoni, akhume u ikuru yo Nakare anrukunuwelhe Nlhuku. Arumelhelhaka apatte ibarakha yo uhiyereriya uwonya waya ni ukusha nipuro naya munlhokoni mwa attu a Nlhuku ahapihiye wo iphiro yo upisha nrima.’

2 NaTimotheo 2:24-26 Paahi etu karumiya a Athithi khanothananiya waana nansho akhalheke o umanya wa attu onkhaye, nooria wiittuchiha ni o uvilhelha, 25 naamuka wo wiitimarikha attu anom pangelha ichimwa, ikhalhe wiira Nlhuku aavahere nipesha no ukhoroma uwonya waya ni uchuwelha ikeekhene. 26 Apatte tho irusho chaya ni ukhuma mu nriankhoni mwa Nakare mwaawayinhe awe wiira aapangihe chinothanana awe.

Upatakulhelhiya 3:17-19 Inyuva nneeshipa wiira, “Mii o nhakhu, kihanaa kila ittu, akinophavelha ittu iriyoothe, kumbe, khanchuwenlhe wiira inyuva nrii mathatharu, o woonelhiya ikiriri, mmashikini, o hoona tho nrii pwitishopwithi! 18 Kinouhimeriani nlhove wiira, nthumeke uwannyaka

idhahabu ikuttiye vamooroni wiira nkhale o nhakhu chinene. Tho, chiicho nthumeke mwiinjiro wo teelha, mmware mwiikhunelhe ishoni inyu yo ukhalha pwithipwithi iyo. Nthumeke ni makhura mwiihike thoko nrete wo miitho mwoone. 19 Mii phi nonchachera ni umwookolha ntu riyothe nonttuna aka. Paahi etu mmindeke upanga moombone ni ukhoroma.

2 AKorintho 7:10 Ukhawaya uchukulha unothananiya ni Nhuku phi norukunusha mirima, phi nommwiiha noopo, pahhi etu kuuwo nhatu wo uthepa ukhoroma. Nansho uchukulha wa attu o velhaponi phi nommwiiha nookhwa.

1 Mamwene 18:37 - Nhuku turn heart back to Nhuku.

2 AKorintho 4:4 Yayo khanorumelhelhacha ukhalhawaya irusho chaya chihotiyelhelhiya ni Nakare nhuku o ilha ilhapo ilha, ahoone nthuko wo Malhove Orera o nthimicho wa Kuristo Ihikaanne ni Nhuku chiri awe.

Luka 8:11-15 “Maana o nhikaaniho nno phi wiira, imbeyu phi nhove na Nhuku. 12 Imbeyu chaamonre vaphironi chinooniha attu aneewa, nansho Nakare noowa ni ukusha ntenga uyo mmamirimani mwaya wo waachiichiha wiira ahirumelhelhe ni woopolhiya. 13 Imbeyu chaamonre vamwalhani chinooniha attu aneewa ntenga ni upochera ateelhiyaka munrimani. Nansho khachinkhalha ni mithithaari nhina mwaya, anorumelhelha wo ikatema ikani, ni ulhikachiya wawaakaru anowulhuwa. 14 Imbeyu chaamonre vamiiwani chinokhalha phi attu onkhaye aneewa, nansho nipampa ni nikakata ninowaakelha ni waatiyelhelha wiira ahiyare. 15 Imbeyu chaamorenhe vachaayirani chinooniha attu aneewa ntenga ni upochera wo nrima worera, ni ayo khuvilhelhaka mpaka vanoyara aya maphepu oombone.

Mitheko 15:11 Ihikalhe chiicho mena! Nansho ninorumelhelha wiira, hii ninoopolhiya wo nnema wa Athithi Yesu.”

ARumi 8:13 Ukhawaya mwattwaraka nikakata no mwiruttuni mwo uwonya, we ikekhiaye nnookhwa. Nansho mwakhalhakaru ni Iphumu ya Nhuku, nnowiivakacha mitheko chinyu cho uwonya chiyo, ni ukhalha akumi.